

No. Soalan: 347
PR-1361-T01684

PEMBERITAHUAN PERTANYAAN BAGI JAWAB BUKAN LISAN
DEWAN RAKYAT MALAYSIA

PERTANYAAN : JAWAB BUKAN LISAN

**DARIPADA : DATUK NOOR EHSANUDDIN BIN MOHD
HARUN NARRASHID
[KOTA TINGGI]**

SOALAN : Datuk Noor Ehsanuddin Bin Mohd
Harun Narrashid [Kota Tinggi] minta
MENTERI LUAR NEGERI menyatakan
apakah status terkini rakyat Malaysia yang
ditahan di lapangan terbang di Pakistan
kerana cubaan menyeludup senjata api.

JAWAPAN

Tuan Yang di-Pertua,

Saya mengucapkan terima kasih kepada Yang Berhormat Kota Tinggi atas pertanyaan yang dikemukakan.

2. Untuk makluman Dewan yang mulia ini, individu berkenaan telah ditahan atas kesalahan menyeludup senjata api pada 22 Disember 2017 di Jinnah International Airport Pakistan (JIAP), Karachi. Lanjutan daripada penahanan tersebut, Perwakilan Malaysia telah berhubung dengan pihak berkuasa tempatan bagi mendapatkan akses konsular ke atas individu berkenaan.

3. Pegawai-pegawai dari Suruhanjaya Tinggi Malaysia di Islamabad telah mengadakan lawatan konsular ke atas individu berkenaan bagi memastikan kebajikan serta hak-hak beliau terpelihara. Sehingga kini, kes ini masih berada di bawah siasatan pihak berkuasa tempatan dan sebarang urusan perundangan akan dilaksanakan di Pakistan. Pihak Suruhanjaya Tinggi Malaysia di Islamabad akan terus memantau perkara ini dan memberikan bantuan konsular yang sewajarnya kepada beliau.

Sekian, terima kasih.